



Publicaziuns dalla vischnaunca, jamna 38

Votaziuns federalas dils 25 da settember 2022

L'urna principala en casa communal a ei aviarta sco suonda:
Dumengia, ils 25-9-2022 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 23 settember 2022, allas 14.00**, tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser **sil pli tard la dumengia, ils 25 da settember 2022** allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Niev: Cuviartas da votar prefrancadas

Igl onn 2021 ha il Cussegl grond approbau l'introducziun da cuviartas prefrancadas per las votaziuns ed elecziuns el cantun Grischun. Cheutras resultan negins cuosts pli per las votantas ed ils votants che tarmettan cun la posta lur documents da votar all'administraziun communal. Votantas e votants ston pia naven d'immediat buca pli francar la cuviarta da votar. Sil certificat dil dretg da votar sesanfla da niev in code, il qual remplazza la francatura.

Suprastonza communal



Damondas da baghegiar

2022-1058.000

Datum dalla publicaziun: 23 da settember 2022

Il patrun: STWEG Parcella 531, c/o Paulin Manetsch, Via Alpsu 26, 7180 Disentis/Mustér
Representanza: Beer Bigliel SA, Via Alpsu 49, 7180 Disentis/Mustér
Object: Niev indrez fotovoltaic el liber, parcella 531, Via Alpsu 26, 7180 Disentis/Mustér

2022-1059.000

Datum dalla publicaziun: 23 da settember 2022

Il patrun: Otmar ed Annamaria Maissen-Flepp, Gassa da Cuoz 15, 7186 Segnas
Representanza: Beer Bigliel SA, Via Alpsu 49, 7180 Disentis/Mustér
Object: Niev indrez fotovoltaic el liber e niev fotovoltaic sin tetg digl edifeci 317F, parcella 1217, Gassa da Cuoz 15, 7186 Segnas

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 23 da settember 2022

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2022-1042.000

Janine Julia Jennifer Linse, Via Denterpraus 5, 7186 Segnas; niev cundrez fotovoltaic sin tetg dalla stalla, parcella 3627, edifeci 329A, Via Denterpraus 5, 7186 Segnas.

Disentis/Mustér, ils 23 da settember 2022

Uffeci da baghegiar Disentis/Mustér



Serrada via d'ual Plaunca Su–Pardi

Las lavurs da construcziun en connex cul project da reparar e rinforzar la via d'ual Plaunca Su–Pardi entscheivan **gliendisdis, ils 19 da settember 2022, e cuozan entochen venderdis, ils 7 d'october 2022**. Duront il temps da baghegiar sto il tschancun dil plazzal da construcziun vegnir serraus pil traffic motorisau. Per contonscher ils mises a Plaun Menisch exista la pusseivladad da carrar sur la Val da Segnas.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2022-2085.000

STWEG Parcella 1002 Disentiserhof, c/o Solida Treuhand SA, Via Alpsu 2, 7180 Disentis/Mustér; remplazzar escha principala entras portas stuschablas, parcella 1002, Via Disentiserhof 1-3, 7180 Disentis/Mustér.

Nr. 2022-2086.000

Toni e Marisa Dermon-Möckli, Via Davos-Mustér 4, 7180 Disentis/Mustér; construcziun d'in plaz da seser, parcella 899, Via Davos-Mustér 4, 7180 Disentis/Mustér.

Disentis/Mustér, ils 23 da settember 2022

Uffeci da baghegiar Disentis/Mustér



Taxa da cumpensaziun da pumpiers 2022

L'obligaziun da far pumpiers entscheiva all'entschatta digl onn ch'ins cumplenescha il 21. onn da naschientscha e finescha alla fin digl onn ch'ins ha cumplenu il 45. onn da naschientscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein student(a)s ed emprendist(a)s entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein **attents student(a)s ed emprendist(a)s sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **venderdis, ils 30 da settember 2022**, all'administraziun communal:

Caum postal 57, 7180 Disentis/Mustér, ni per e-mail (rghelin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

Sera d'informaziun per interessai dalla Scola da talents.Surselva

Sera d'informaziun per interessai dalla Scola da talents. Surselva ha liug **mesjamna, ils 5 d'october 2022, allas 19.30 ell'aula dalla scola a Glion.**

Dapli informaziuns sut «Vischnaunca Ilanz/Glion».

Infoabend für Interessierte der TalentSchule.Surselva

Infoabend für Interessierte der TalentSchule.Surselva findet am **Mittwoch, 5. Oktober 2022, um 19.30 Uhr in der Aula im Schulhaus in Ilanz statt.**

Mehr Informationen unter «Gemeinde Ilanz/Glion».

Rimnada da pupi

Venderdis, ils 7-10-2022

Preziadas convischinas, prezias convischins. La rimnada da pupi d'october ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei da **gliendisdis tochen venderdis (12.00–17.00) e sondas (10.00–12.00)** e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger

Preavis sentupada dils Lumnezians e Lumnezianas che vivan a Mustér

La proxima sentupada dallas Lumnezianas e dils Lumnezians che vivan a Mustér ha liug **sonda, ils 29-10-2022**, allas 18.30 el hotel «Rhätia» a Mustér. L'invitaziun persunala culs detagls suonda pli tard.

Fagei aschi bien e reservei gia ussa quei datum.

Cun cordials salids

Ils organisateurs Claudia, Martina e Victor



Colonna d'agid Mustér

Cuors da reiver per affons

Gia dapi biars onns organischescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau durant otg mesjamnas-sera in cuors da reiver per affons dallas annadas 2015 entochen 2010. Liug: halla da reiver el Center da sport e cultura, Mustér

Entschatta: **mesjamna, ils 26-10-2022, entochen miez december 2022**, 17.30–19.00
Annadas 2015–2010
Menaders: commembers dalla Colonna d'agid Mustér cun brevet Giuventetgna + sport
Annunzias: Entochen gliendisdis, ils 24-10-2022, alla Colonna d'agid Mustér, Otmar Venzin, 079 381 25 52

Segirada ei caussa da mintga participont/a.

Colonna d'agid Mustér

Uniun da gimnastica UGM

Invitaziun alla radunonza generala, **venderdis, ils 30 da settember 2022**, allas 19.30 el hotel «Alpsu», ed alla gimnastica da seniors e giuvens seniors **gliendisdis, ils 3 d'october 2022**, allas 20.00 el Center Fontauna.

Suenter la radunonza vegn offeriu l'usitada tscheina.

La suprastonza
